



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Iudicia Dei, quia incomprehensibilia, ideò mirabilia fieri.

urn:nbn:de:hbz:466:1-45653

enim Oceani fundum visu contingere non possunt nauigantes, ita nimis imbecillis est humana acies, non potest diuinorum consiliorum Iudiciorumque profunditatem penetrare. Illud ergo tunc habet homo, ut cum D. Apostolo Paulo clamet: *O altitudo diuiniarum sapientiae & scientiae Dei, quam incomprehensibilia sunt Iudicia eius, & inuestigabiles viae eius? Quis enim cognovit sensum Domini? aut, quis consiliarius eius fuit? O altitudo, inquit, sapientiae & scientiae Dei!* sci-
entiae nimirum, qua omnia futura distinctissime nouit, antè, quam fiant, nobisque innotescant: sapientia autem, aut prudentia, qua disponit vniuersa, mirabili via, stupendo modo, iustissima ratione, quibus decreuit primo Gentes negligere, Iudeos vero eligere; postea autem Iudeos reiecit, & Gentes traxit; postremò denique & Gentes & Iudeos conuocabit. *Altitudo, hīc profunditatem* (Græcis βαθος) significat, quæ ab altitudine non differt, nisi ratione, distantia enim à superiore termino dicitur altitudo; ab inferiore, profunditas. Qua de cauſa Hilarius in Ps. 139. legit: *O profundum sapientiae & scientiae Dei!* Sicut ergo neque maximas quidem stellas, ob altitudinem cœli, in sua iusta magnitudine videmus; neq; ipsas ingentes rupes, sub aquis, ob profunditatem maris intuemur; ita Iudicia sapientiae & scientiae Dei, tanquam *abyssum* multam men-
tis acie non penetramus.

Excellentia splendoris, non sinit humanos oculos Solem ri-
mari; & nullum sit ingenij acumen, quod possit iudicia exhauire illius, *qui lucem habitat inaccessibilem?* *Incomprehensibilia sunt Iudicia scientiae eius*, quæ de singulis hominibus, facere mente decreuit; *inuestigabiles viae sapientiae eius*, seu modi, per quos deducit ad effectum, quæ facienda statuit; quæque *nemo plane comprehendit*, *nemo iuste reprehendit*, ut S. Augustinus loquitur l. 1. de ciuit. Quid enim reprehendit, quod non comprehendit? *Quid carpit, quod non cernit?* Aquilarum est ista perspicere, nos creaturæ omnes, no-
stutæ sumus. Et hoc ipso magnitudinem Numinis prædicamus, cum nostram fatemur paruitatem. Sicut qui in vado hæret, alueum flu-
minis ingredi formidans, aquarum se vereti profunda testatur. Sa-
tis laudat diuinam gubernationem, iudiciaque summi regiminis, qui ijs conspectis, sed non intellectis, exclamat: *O alta profunditas, & profunda altitudo!* *Quod enim non capimus, admiramur; atque illo nos inferiores agnoscimus, quod altum vocamus.* Hinc reue-
renter *Iudicia Dei occulta, inscrutabilia, alta appellantur.*